



Republika e Kosovës
Republika Kosovo / Republic of Kosovo
Kuvendi i Komunës Rahovec
Opština Skupština Rahovac/Municipality of Rahovec



PROCESVERBAL

Mbledhja e rregullt e Komitetit për Politikë dhe Financa, e mbajtur më 19.08.2021, me fillim në ora 10.00. Mbledhjen e kryesoi kryesuesi i Kuvendit **Afrim Dina**.

Kryesuesi – Fillimisht më lejoni të përshëndes, nënkryetarin **Fatmir Iska**, të nderuar anëtarë të Komitetit për Politikë dhe Financa, drejtorët e drejtorive, përfaqësues të mediave dhe të gjithë ju të pranishëm.

Të nderuar anëtarë të KPF-së, për këtë mbledhje propozoj këtë :

REND DITE

1. **Aprovimi i procesverbalit nga mbledhja e kaluar;**
2. **Shqyrtimi i propozim vendimit për ridestinimin e mjeteve të mbetura nga buxheti i vitit 2021;**
3. **Informatë mbi implementimin e planit për investime në hapësirat e hapura publike në komunën e Rahovecit;**
4. **Të ndryshme.**

Të nderuar anëtarë të KPF-së, nëse ju pajtoheni që për mbledhjen e rregullt të Kuvendit që ta kemi edhe një pikë shtesë, që është Shfuqizimi i vendimit Nr. 0127/2009, të datës 02.07.2010 për dhënien në shfrytëzim të pronës komunale. Para se me aprovua rendin e ditës, e kisha fluar shefin e zyrës ligjore z. Isak Hoti për paraqitjen e pikës.

Isak Hoti – Përshëndetje për të gjithë. Pra, fjala është për vendimin për dhënien në shfrytëzim kompanisë turke me seli në Prizren për ndërtimin e fabrikës së tjegullave, gjë për të cilën pika e katërt na obligon që ne me marr veprime të mëtutjeshme sepse thotë që nëse shfrytëzimi i tokës në afat prej tre viteve nga dita e plotfuqishmërisë së këtij aktvendimi nuk ndërton objektin apo nuk kryen punë të konsiderueshme në ndërtimin e objektit industrial, Komuna e Rahovecit do të marr vendim mbi incimin e procedurës për denoncim të kontratës për dhënien tokës shtetërore në shfrytëzim në kushte dhe mënyrën e caktuar sipas dispozitave të ligjit të tokës ndërtimore me vendim të KK.Rahovec. Faktikisht na obligon edhe ligji i ri përkatësisht neni 19 paragrafi 5 i ligjit për dhënien në shfrytëzim dhe këmbim të pronës së paluajtshme komunale, kur thotë e drejta e shfrytëzimit të pronës të paluajtshme nuk mund të bartet në shfrytëzim të personat e tretë, që faktikisht ky ka nisë të bëj lojëra rreth kësaj çështje pasi vinë njerëzit këtu edhe thonë se e kam marr prej Likosit edhe kërkon që ta marr, që faktikisht në listën poseduese figuron që ai është shfrytëzues i tokës edhe ne nuk mundemi me ja lanë këtë të drejtë pasi nuk ka të drejtë me luajt me pronën e huaj. Po ashtu edhe të kushtet e kontratës e obligon kryetarin e komunës që ta njofton kuvendin për nisje të procedurës për shpërbërje të kontratës. Kështu që për më gjerësisht e kisha lanë edhe për kuvend këtë punë mirëpo kjo kompani neve na ka paditë për shkak se nuk ka mundur me zhvillua procedurën që me fillua punën atje, ku kanë shtrua padi pranë gjykatës themelore në Prishtinë, departamenti për çështje ekonomike

me datë 11.09.2015 për kompensimin e dëmit sipas tij me shumë prej 376,215 euro që na ka paditur. Kjo gjykatë në aktgjykimin nr.394/15 të datës 02.10.2017 ka refuzuar në tërësi kërkesëpadinë e tij. Dhe paditësi ka ushtruar ankesë me datë 26.10.2017 në shkallën e dytë gjykata e apelit në departamentin për çështje ekonomike me aktgjykim 266/2017 të datës 25.09.2019. Pra edhe këtë ankesë të paditësit e ka refuzuar gjykata si e pa themeltë dhe ka vërtetuar aktgjykimin e shkallës së parë. Por paditësi ka filluar prapë dhe me datë 14.11.2019 ka ushtruar revizion gjykatës supreme dhe gjykata supreme me aktgjykim të 66/2019 të datës 06.02.2020 e ka refuzuar si të pabazuar revizionin e paditësit kundër aktgjykimit të gjykatës së apelit dhe me këtë ka përfunduar procedura kontestimore në këtë çështje juridike me datë 09.03.2020. Kështu që ne nuk mundemi me lanë në pafundësi tokën në shfrytëzim atij dhe duhet me fillua procedurën e shkëputjes së kontratës së njëanshme.

Kryesuesi – Faleminderit z. Hoti, të nderuar kolegë a po pajtoheni që ta kemi pikë të rendit të ditës për mbledhje të kuvendit. Atëherë e qesim në votim rendin e ditës me pikën shtesë. Konstatoj se unanimisht aprovohet rendi i ditës me pikën shtesë. Kalojmë në pikën e parë të rendit të ditës:

1. Shqyrtimi dhe aprovimi i Procesverbalit nga mbledhja e kaluar.

A ka dikush diçka sa i përket procesverbalit.

Fehmi Cena – Përsëritje për të gjithë. Unë dua me bo një ndërhyrje të vogël tek faqe 2, tek diskutimi im në lidhjen me piken Shqyrtimi i raportit financiar janar-qershor 2021, ku thotë: pastaj kodi 50103 largimi dhe deponimi i automjeteve ku planifikimi ka qenë 2000 dhe asnjë euro nuk është planifikuar, që në fakt duhet të jetë arkëtuar. Pra, ky ishte kuptimi i fjalisë, kështu ju lusë ta përmirësoni këtë gabim.

Kryesuesi – Faleminderit z. Cena, atëherë meqë nuk kemi tjerë të lajmëruar, e qesim në votim pikën e parë të rendit të ditës. Konstatoj se unanimisht aprovohet pika e parë e rendit të ditës. Kalojmë në piken e dytë të rendit të ditës:

2. Shqyrtimi i Propozim vendimit për ridestininimin e mjeteve të mbetura nga buxheti i vitit 2021.

Afrim Limani – Përsëritje për ju kryesues dhe ju anëtarë të KPF-së. Ridestininimi i mjeteve financiare edhe pse si proces vazhdimisht është paraqitur në kuvend në muajin tetor mirëpo për shkak të mungesës së rishikimit të buxhetit dhe nuk kemi pasur ndonjë leje për muajin qershor atëherë ne si drejtori e financave jemi detyruar që këtë proces ta kryejmë pikërisht në këtë muaj me arsyetimin sepse muajt e tjerë jemi edhe me të angazhuar pasi e kemi edhe aprovimin e buxhetit atëherë këtë pikë të ridestininimit e kemi paraparë në këtë seancë pra në seancën e muajit gusht. Paraprakisht desha të ju informoj se dje kam pasur një takim me ministrinë e financave dhe mi kanë dhënë disa rregulla dhe udhëzime që nga ajo ka ndryshua edhe ky dokument, pra ka disa ndryshime të vogla me arsyetimin se mjetet të cilat ridestinohen duhet me qenë po nga ai fondi burimor, që supozojmë p.sh. nëse duam me ridestinue mjete nga të hyrat vetanake atëherë duhet të kalojnë në atë fond burimor pra në 21 dhe ne kemi pasur disa devijime dhe kjo është arsyeja se edhe ky dokument ka ndryshua, kështu që unë e kam dokumentin e ri që e kemi përgatit dhe sigurisht që për mbledhjen e kuvendit do ta keni edhe ju si material. Pra ndryshimi në total, pra ka një ndryshim të vogël që ka qenë 192,719 shume e ridestinuuar që e keni ju në këtë dokument ndërsa tash e keni 212,719 euro. Pra arsyeja se ka qenë mirë me lanë këtë dokument në muajin tetor mirëpo ne e kemi vepruar pikërisht këtë muaj sepse të paktën ne e kemi planifikimin real që këto mjete duhet të ridestinohen dhe për këtë arsye e kemi qitë këtë dokument në muajin gusht.

Fehmi Cena – Fillimisht e falënderoj drejtorin për Financa për këtë sqarim dhe natyrisht se ne kemi nevojë për këso sqarime sepse fjala është për buxhet pasi shuma për ridestininim të parë do të ndryshon dhe ne duhet ta kemi atë material konkret për mbledhje të kuvendit dhe gjithashtu e sqaroj se komuna jonë nuk e ka bërë rishikimin në këtë vit të buxhetit dhe kjo në një farë mënyrë është në shërbim të asaj pasi me ridestininim rishikim. Pra, atë që kërkoj për mbledhje të kuvendit është që këto ndryshime të jenë të sakta dhe gjithashtu për këto ridestinine të projekteve që për një projekt që ka qenë i destinuar një pjesë e buxhetit nuk është realizuar dhe tash po bëhet ridestininimi në projektin tjetër dhe do të ishte mirë që për secilin projekt me qenë të përgatitur dhe me na sqarua se pse nuk është realizuar dhe tash po kërkohet një projekt tjetër dhe po ri destinohen mjetet për atë projekt. Kështu që ne duhet ta kalojmë për kuvend dhe atëherë e shqyrtojmë me hollësisht.

Dervish Çadraku – Përshëndetje për të gjithë juve. E para kam një vërejtje te vogël që me siguri ka qenë teknike pasi unë nuk e kam materialin e plotë dhe pikërisht për këtë pikë te rendit te ditës nuk e kam materialin e madje as në email adresë dhe aq sa kisha mundësi me lexua tani e kam një vërejtje te disa projekte që kanë ngecur apo më mirë me thanë që janë harruar siç është projekti për trotuarin ne aksin rrugor Malesi e Vogel- Gexhë pastaj oborri i shkollës në Malësi të Vogël dhe plot projekte të tjera. Kështu që tash nuk e di a ka mungesë te mjeteve apo është problem operatori dhe tash pothuajse po kryhet mandati dhe nuk e shoh askund që ka ndonjë shenjë që do te kryhen këto punë për këtë vit dhe nëse kemi mungesë te mjeteve atëherë pse nuk kanë këqyrë ato njëherë me i krye sepse vërtet jep një pasqyrë jo të mirë edhe për qeverisjen aktuale sepse shihen skaj rrugëve, shihen si kriterë për punimet që janë për keqardhje. Prandaj deri sa është drejtori këtu do të ishte mirë me na sqarua se si qëndron puna me këto projekte dhe nëse ka mungesë të mjeteve me i transferua një pjesë të tyre në ato projekte.

Përparim Krasniqi – Faleminderit kryesues, përshëndetje për të gjithë anëtarët e Komitetit për Politikë dhe Financa. Sa i përket çështjes së trotuareve të premtën është lidhur kontrata zyrtarisht edhe punimet fillojnë javën e ardhshme mirëpo kemi shumë pozicione që do të kryhen dhe llogariten afër 14 km trotuare ne tërë territorin e komunës së Rahovecit. Ne tani do të fillojmë në dy pozicione në fshatin Pastasel dhe njëra ne fshatin Malësi e Vogel dhe kompania ka përfitua kontratën për këto dy projekte edhe pse megjithëse nuk ka mjete sa duhet por punimet do të fillojnë dhe besoj që do të kryhen sipas afatit dhe dinamikës së punimeve që janë në kontratë. Kjo është ajo që është planifikuar edhe pse nuk kemi mjete sa duhet pasi diku janë afër 40,000 euro gjithsej por kompania ka shprehur gatishmërinë me fillua punimet dhe me përfundua këto segmente rrugore.

Kryesuesi – Faleminderit drejtor për të gjitha sqarimet, atëherë meqë nuk kemi tjerë të lajmëruar, konstatoj se kalon për kuvend edhe pika e dytë e rendit te ditës. Kalojmë ne pikën e tretë te rendit te ditës:

3. Informatë mbi implementimin e Planit për investime në hapësirat e hapura publike ne Komunën e Rahovecit.

Përparim Krasniqi – Faleminderit kryesues, tani po ju jap një informatë për planin 5-vjeçar që e kemi rreth hapësirave publike që ka qenë një plan i aprovuar para 5 vite nga Demos ne bashkëpunim me Komunën e Rahovecit, që përfundon ne dhjetor te vitit 2021 ky plan 5 vjeçar dhe shpresojmë që ne vitin e ardhshëm te fillojmë me procedurën e re për planin e ri te hapësirave publike. Ne kemi dhënë një informatë ku e keni te shkruar ne detaje ne disa pozicione që komuna e Rahovecit ka marr përsipër që përmes kontratave për implementimin e këtyre hapësirave. Në këtë vite ka pasur disa ndryshime për shkak të disa planifikimeve që janë bërë ne zyrën e prokurimit që janë futur edhe disa elemente tjera si p.sh. siç është rasti i drejtorisë për ekonomi dhe zhvillim ne mirëmbajtjen e shtigjeve te ecjes, po ashtu ne kemi për këtë vit edhe 3 kontrata që vazhdojnë edhe për vitin e ardhshëm që kapin vlerën afërsisht 108,000 euro për te tri kontratat dhe janë te përfshira te gjitha pozicionet siç e shihni edhe ne raport mirëmbajtjen e gjelbërimit hapësira për parkim ndriçime publike varreza lapidare pllaka përkujtimore. Tani nuk do te zgjatem me shume mirëpo nëse ka dikush ndonjë pyetje atëherë do te mundohem te jap përgjigje për ndonjë kërkesë do te japim sqarime këtu tani e po ashtu edhe ne seancën e rregullt te kuvendit.

Fehmi Cena - Ky plan për mirëmbajtjen e hapësirave te hapura publike ne komunën tonë për vitin 2016-2021 është bërë në qeverinë e mëhershme para mandatit të kësaj qeverie, po ashtu e kemi përmendur edhe herëve tjera nëpër mbledhje, kjo që thuhet ka ndihmuar edhe Demosi komunën, atëherë me intereson me ditë që Demosi a ka ndihmuar edhe ne mënyrë financiare ndonjë projekt në këtë drejtim apo vetëm ne mënyrë profesionale. Gjithashtu ju e përmendet që ky plan do të vazhdojë edhe vitin e ardhshëm ndërsa thuhet se plani është për vitin 2016-2021, pra kisha dashtë me qartësua këtë pasi a do të vazhdon apo do të përmbyllet në këtë vit dhe pastaj do të bëhet plani tjetër, kërkoj këtë sqarim nga ju.

Dervish Çadraku – Unë e kam një pyetje rreth kësaj, se a ka projekte për këto apo janë ndarë mjetet dhe pastaj kur kemi nevojë me i pae, pra a ka projekte që ne mundemi me u thirrë se do të ndërtohen ne vende të caktuara pasi shumë shpesh e kemi këto probleme neper mbledhje të kuvendit dhe kemi vazhdimisht këto vërejtje pasi nuk i kemi projektet e gatshme dhe më pastaj në baze të inercionit i bëjmë kudo qoftë.

Përparim Krasniqi – Plani 5 vjeçar është i ndarë paralelisht me kontratat që janë lidhur, për shkak se ne nuk mundemi me ndërpre kontratën që me shkue baraspeshë me planin 5 vjeçar. Do të ketë risi vetëm ne bazë te

udhëzimeve të reja administrative që do të futen në planin e ri, për shkak që në bazë të udhëzimeve administrative që vinë nga ministritë përkatëse dhe bëhet plani 5 vjeçar. Sa i përket çështjes së Demos, unë mund të ju them se Demosi ka pasur edhe projekte që kanë investuar në komunën e Rahovecit siç është fjala për rrugën e UÇK-së që e ka financuar pastaj trotuarin ndriçimin publik drunjtë dekorativ mirëpo tash edhe organizatat janë ndarë sipas zonave dhe Demosi nuk operon tani në komunën e Rahovecit për shkak se është gjajka që e ka përfshijë rajonin e Prizrenit dhe nuk bëjnë tani investime në infrastrukturë por vetëm bëjnë investime në plane rregulluese, ndonjë mbështetje në trajnime dhe gjëra tjera mirëpo në aspektin infrastrukturor nuk bëjnë investime tani. Sa i përket pyetjes së parashtruar nga Dervish Çadraku rreth çështjes së projekteve, disa drejtori kanë projekte në implementimin e këtyre parqeve e sidomos drejtorja e urbanizmit dhe në marrim ato projekte dhe në bazë të projekteve që i implementojnë ata i fusim në mirëmbajtje pasi që ky kodë është vetëm për mirëmbajtje të hapësirave publike dhe nuk është kodi i investimeve të hapësirave publike d.m.th. dallon kjo drejtori përkatëse pasi drejtorja e urbanizmit e bën implementimin e projektit ndërsa në përmes këtyre kontratave e bëjmë vetëm mirëmbajtjen e hapësirave publike.

Kryesuesi – Faleminderit shumë drejtor, atëherë meqë nuk kemi tjerë të lajmëruar, konstatojmë se kalon për kuvend edhe pika e tretë e rendit të ditës. Kalojmë në pikën e katërt të rendit të ditës:

4. Të ndryshme.

Dervish Çadraku – Kam pasur vërejtje edhe me herët, por e shoh edhe qytetarët e Kosovës në përgjithësi e në veçanti edhe të komunës së Rahovecit kanë shumë probleme me vaksinim. Kërkoj të di se pse nuk i shpërndajnë këto edhe në dy qendrat e QMF-së në Ratkoc dhe Krushë.

Samir Mustafa – Përshëndetje për ju dhe gjithë anëtarët e KPF-së. Në fillim kemi bërë kërkesë për hapjen e dy qendrave të reja të vaksinimit në Ratkoc dhe Krushë të Madhe mirëpo kërkesa jonë është refuzuar nga ana e ministrisë së Shëndetësisë sipas tyre të mungesës së logjistikes nga ana e ministrisë së Shëndetësisë, pasi komplet logjistikën në repartin e vaksinimit është nga Ministria e shëndetësisë pasi nuk kanë kapacitete as humane e as logjistike. Dhe sa për informatë në komunën e Rahovecit deri me sot janë vaksinuar 20,905 qytetare kështu që trendi i vaksinimit është duke vazhduar edhe pse kemi pak tollovi që krijohet nga fluksi i madhe i qytetareve që kërkojnë me u vaksinue dhe sigurisht që janë rrit kërkesat për vaksinim, ku mesatarisht vaksinohen 700 qytetarë në ditë edhe përkundër kërkesës nga ana e ministrisë së shëndetësisë që një ekip shëndetësorë duhet të i vaksinon 60 qytetarë në ditë mirëpo në QKMF të Rahovecit secili ekip shëndetësorë i vaksinon minimumi 90 qytetarë, pra të gjitha parashikimet i tejkalon ekipet shëndetësore dhe janë për çdo lavdatë.

Kryesuesi – Faleminderit për informatën drejtor, të nderuar kolegë anëtarë të KPF-së, nënkryetar, drejtorë ju falënderoj të gjithëve për kontributin e dhënë.

Procesmbajtësi,

Agim Hoti

